

B1 Crise économique

Pe vrjama kata la ljumaki ekonomijaki kriza milionur manuša ande maškaruji Evropa ašile bi bućako. Pe kuća vrjama nas le nasvale manušengê sigurta, čiti sas le manušengê kaj ašilesas bi bućako kak sigurta, čiti le phurengê kak penzija. Le manuša kaj ašilesas bi bućako, mêkle le bare forur taj bolde pe ande peskê gava katar avilesas. Kote spide le thaneskê Řomen kata lengê lokalni bućakê thana. But Řom ašile bokhale aj le raj ande lengê komune sas te den bare love palaj grıza le čorê manušengî. Le turbulencije avile sja maj bare taj but komune kamle numa „te skêpin pe“ kata l' čorê taj bokhale manuš.



1910

1951

1927-37

💡 Saviez-vous

...kê ka l' thaneskê komunakê administracije sas e obligacija von te gržin pala bêšimos taj pala pravarimos kata peskê maj čorřivane manuša taj von musaj sas te počinen lengê vizite ka l' doktorja taj lengê troškura pala l' hospitalur?

...kê pe l' 1920-utne taj 1930-utne bêš sas le merimaskî kvota kata l' řomane šavořê maj but de 50 procentur? Maj but sar e dopašin kata l' řomane šavořê mule angla pesko dujto bijandimasko djes.

✎ A vous

Diskutuin, save ženengê grupe sí dependentni kata društveno solidariteto. Ğindin pa kodja, sostar sí kodola ažutimata butivar kontroverzni?

📷 La photo

Řom ande řomaji mahala Oberwart/Austrija. E fotografija kêrdja e policija ande 1930-utne bêš, pe sama te síkavel voj peskî bući. Landesarchiv Burgenland, Eisenstadt/Österreich.



<https://www.romasintigenocide.eu/fr/b>